

Te mahere ā-rohe o Upper Harbour 2020

He aronga poto i tā mātou mahere



Mihi

Tēnā kia tīkina atu e au he mihi,
he whakamānawa anō hoki
mai i ngā iwi taketake o te rohe nei.
Te toko ake i te rau aroha
o te tini whāioio kua whakakāinga nei
hei puru, hei takā mō tēnei tipua,
a Tāmaki Makaurau,
herehere tāngata, hereherenga tikanga.
Kia ea ai te kōrero rā,
“Kua hora te Waitematā
i ngā waka kapi-tai o Taikehu.”
Kia tere ko te tai tapu i te kauanga o te rangi,
he au maunutanga- toroa,
whai mai rā i ahau.
Ko au tēnei i toko ake ki te muriwai o te Waitematā,
tūtakinga o te wai tai
me te wai māori ki Te Whenuapai.
Kei kī mai koe, “He aha tōna pai?”
tērā au te whakahoki atu,
“He whenua taurikura hei kāinga tupunga uri.
He kōpūtunga ngaru tāngata te whakaeke tonu mai,
te whakaeke tonu mai.”
Nau mai e taku rahi, nau mai e taku iti,
ki ngā kapu o aku ringa koe atawhaitia ai.

Kei tēnei puka te whakarāpopotohanga o te Mahere Poari ā-Rohe. Toro atu
ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

I pau te tau 2020 ki te kimi i te māramatanga mō te MATE-KORONA me ōna pānga ki te oranga o tēnā, o tēnā.

I ngā rā i noho taratahi ai te motu, i tino heke te pūtea i rere mai ki te kaunihera me ngā pakihī, he mea tino whakataumaha. Nā te hekenga o te pūtea i whiwhia ai ki te kaunihera, he kaupapa kāore e kōkiritia.

Kua pā atu tēnei āhuetanga ki a tātou katoa nā runga i te whakatārewatanga o ngā kaupapa poari ā-rohe i whakamaheretia ai. Ahakoa ngā tai mōrearea kei mua i te aroaro, he mea whakahirahira te whakatakoto i ngā wawata o te Poari ā-Rohe o Te Raki Paewhenua, he wawata i takea mai i ngā whakahokinga kōrero o ngā tāngata o tēnei rohe me te hāpori whānui.

Ka whāia tonutia ngā kaupapa e rima hei whakaotinga i ngā toru tau i maheretia ai. E whakapono ana mātou mā te whai i ēnei kaupapa e ea ai ngā wawata me ngā whāinga o ngā hāpori, ā, he peka kaupapa hei whakatutuki i aua wawata.

Hei tauira, i kitea ngā mahi o mua ake e tino matea ana te whare hei tākaro, hei hākinakina, ā, e mahi ngātahi ana ki te kaunihera ki te kōkiri tonu i tērā kaupapa - engari ka rerekē te wā e tutuki ai tērā kaupapa.

Ko tētahi kaupapa tino nui hei kōkiri i tēnei mahere poari ā-rohe ko te whanaketanga o ngā papa tākaro me ngā papa hākinakina ki Scott Point. Kua hia tau e whakamaheretia ana, ā, i whakataungia kia kōkiri tōna hanganga i te tau 2020/2021, heoi, kua whakatārewahia. Ka whāia tonutia e te poari ā-rohe tēnei kaupapa, heoi, kei whakawehewehetia tēnei kaupapa kotahi ki ngā kaupapa maha.

Kei te whakataumaha te pupukenga tangata i te pūnaha hāereere. Ka akiaki tonu mātou kia whakapakaritia i ngā tūhono waka tūmatanui.

E hiahia ana mātou ki te rangahau i ngā kōwhiringa kia whai tūnga/ara pahi ai ngā wāhi o te poari ā-rohe karekau he tūnga/ara pahi, hei tauira, he utu motuhake (i tutuki pai ai) pērā ki tō te Poari ā-Rohe o Rodney. Nā te utu motuhake rā kua whai tūnga/ara pahi ngā kiritata o Coatesville, he tūnga/ara pahi e kaha eketia ana.

E titiro whakamua ana, e anga whakamua ana i runga i te mōhio i ēnei rā whakataumaha o te MATE-KORONA, ko ngā hononga ki ngā ohu hāpori, ngā kāhui pakihī, te tūāpapa e whai hua nui ai te hāpori, te taiao me ngā wāhi ohaoha ā-rohe.

E whakahīhī ana au hei heamana o te Poari ā-Rohe o Te Raki Paewhenua. Ka pau katoa o mātou kaha, hei māngai, ki te hāpai i ngā mahi kia puta ngā hua papai.



Margaret A Miles, QSM, JP
Heamana, Poari ā-Rohe o Te Raki Paewhenua

He whakarāpopotohanga o ngā kaupapa matua o te mahere

Whakaotinga tahi: Ngā Hapori o te Te Raki Paewhenua e whakamanatia ana, e tūhono ana, e aumangea ana

Ka rongo ō tātou hapori kanorau i te whanaungatanga, ka rongo i te kotahitanga i ngā wā taumaha, ka whai wāhi atu ō rātou reo ki ngā whakataunga o ō rātou takiwā.

Whakaotinga rua: He kōtuitui hāereere e pai ana te mahi, e haratau ana

He maha ngā aratau hāereere e rere pai ana, e rere tika ana.

Whakaotinga toru: He hapori hauora, oi hoki

Ka taea e ngā tāngata katoa, ahakoa te taumata pūkenga, te whai wāhi atu ki ngā hākinakina me ngā tākaro ngahau ki ngā papa tākaro me ngā whare hapori pai.

Whakaotinga whā: Ka tiakina tō tātou taiao māori ahurei, ā, ka whakahaumakotia

Ka whai whakaaro atu ngā hapori o Te Raki Paewhenua ki te taiao, ā, ka pau te kaha ki te manaaki, ki te whakarauora hoki.

Whakaotinga rima: He ohaoha ā-rohe aumangea







E kaha ana ngā pakihi ka tahi, he maha ngā mahi papai mā te hunga kimi mahi o tēnei rohe ka rua.

Whakarāpopotohanga o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Te Raki Paewhenua mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
Whiwhinga moni i ngā mahi whakahaere	
Ratonga hapori ā-rohe	2,902
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	2,902
Whakapaunga moni ki ngā mahi whakahaere	
Ratonga hapori ā-rohe	11,628
Whakarautaki ā-rohe me ngā mahi whakawhanake	700
Ratonga taiao ā-rohe	385
Mahi kāwana ā-rohe	881
Tataunga whakapaunga moni ki ngā mahi whakahaere	13,594
More whakapaunga moni ki ngā mahi whakahaere	10,692
Whakapaunga moni tōpū	
Ratonga hapori ā-rohe	1,179
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga moni tōpū	1,179

Ngā Mema o te Poari ā-Rohe o Upper Harbour

	Ngā taipitopito hei toro atu ki ngā mema
	Margaret Miles – Heamana Waea: 021 587 111 margaret.miles@aucklandcouncil.govt.nz
	Lisa Whyte – Heamana Tuarua Waea: 021 287 6655 lisa.whyte@aucklandcouncil.govt.nz
	Anna Atkinson Waea: 027 454 5094 anna.atkinson@aucklandcouncil.govt.nz
	Uzra Casuri Balouch Waea: 021 503 279 uzra.casuri-balouch@aucklandcouncil.govt.nz
	Nicholas Mayne Waea: 022 066 2963 nicholas.mayne@aucklandcouncil.govt.nz
	Brian Neeson Waea: 021 283 9922 brian.neeson@aucklandcouncil.govt.nz

